

Na osnovu čl. 22. i 24, stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13) i člana 25. Zakona o ustanovama ("Službeni list RBiH", br. 6/92, 8/93 i 13/94), Vlada Kantona Sarajevo, na 39. sjednici održanoj 22.10.2013. godine, donijela je

RJEŠENJE

O IMENOVANJU PREDSJEDNIKA I ČLANOVA UPRAVNOG ODBORA KANTONALNE JAVNE USTANOVE "DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA"

I

Za predsjednika i članove Upravnog odbora Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" imenuju se:

1. Sejad Bečić, predsjednik,
2. Sulejman Aljović, član,
3. Ajša Mušović, član,
4. Husnija Ovčina, član
5. Rasim Duraković, član.

II

Mandat predsjednika i članova Upravnog odbora traje 4 (četiri) godine.

III

Ovo Rješenje stupa na snagu danom donošenja i objavit će se u "Službenim novinama Federacije BiH" i "Službenim novinama Kantona Sarajevo".

Broj 02-05-27850-10.17/13

22. oktobra 2013. godine
Sarajevo

Premijer
Suad Zeljković, s. r.

OPĆINA NOVI GRAD SARAJEVO

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo", br. 30/09 - Prečišćeni tekst) Općinski načelnik, dana 28. 03. 2013. godine, verificovao je i donio

ODLUKU

O KOREKCIJI REGULACIONOG PLANA "BUĆA POTOK I"

Član 1.

Utvrđuje se Korekcija Regulacionog plana "Buća Potok I" ("Službene novine Kantona Sarajevo", broj 33/10), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za planiranje vjerskog objekta, na parcelama označenim kao k.č. dio 120 i 121, K.O. Dolac, Općina Novi Grad Sarajevo, prema sljedećim urbanističko-tehničkim uslovima, odnosno na način:

- Namjena planiranog objekta je vjerski - džamija, spratnosti suteran i prizemlje Regulaciona linija obuhvata parcele k.č. dio 120 i 121, K.O. Dolac, Općina Novi Grad Sarajevo, na način kako je prikazano u grafičkom prilogu br. 2.
- Građevinska linija objekta definisana je tako da obuhvata, munaru i pristupni plato na suterenskoj etaži (kao u grafičkom prilogu br. 2.). Dimenzija objekta u suterenskoj etaži iznosi 10,00 x 8,00 m + (2,00 x 4,00), BGP suterenske etaže je 88 m². Prizemlje objekta je dimenzija 9,70 x 8,00 m + (2,00 x 1,20), BGP prizemlja iznosi 80 m², te musandere koji je ukupne površine 16,26 m², te prostor munare. Ukupni BGP planiranog objekta iznosi 184,26 m².
- Max. visine vertikalnih gabarita pojedinih dijelova planiranog objekta definisane su visinskim kotama u

odnosu na visinsku kotu prizemlja, u skladu sa idejnim projektom.

- Potrebno je obezbijediti parking prostor unutar vlasničke parcele na način kako je prikazano u grafičkom prilogu br. 2.

Član 3.

Korekcija Plana sastoji se iz tekstualnog dijela i grafičkog priloga sa prikazanom parcelom i građevinskom linijom planiranog objekta. Tekstualni dio i grafički prilog korekcije Plana su sastavni dio Regulacionog plana "Buća Potok I" ("Službene novine Kantona Sarajevo", broj 33/10).

Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture i saobraćaja izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Buća Potok I", te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Novi Grad Sarajevo, a naknadno će se objaviti u "Službenim novinama Kantona Sarajevo".

Broj 02-23-5826/13
28. marta 2013. godine

Općinski načelnik
Semir Efendić, s. r.